

BOSNA I HERCEGOVINA
FEDERACIJA BOSNE I HERCEGOVINE
UNSKO – SANSKI KANTON
OPĆINA BIHAĆ
OPĆINSKI NAČELNIK

Služba za društvene djelatnosti i mlade

Broj: 09/2-14-1734/10.
Bihać, 17.02.2010.godine

Na osnovu člana 3. Odluke o kriterijima, postupku odabira i načinu dodjele sredstava Budžeta općine Bihać za su/financiranje projekata udruženja, drugih nevladinih organizacija i drugih pravnih i fizičkih lica («Službeni glasnik općine Bihać» broj 3/08), Općinski načelnik općine Bihać, raspisuje

JAVNI POZIV

za predlaganje projekata udruženja, drugih nevladinih organizacija i drugih pravnih i fizičkih lica, za su/financiranje sredstvima Budžeta općine Bihać za 2010.godinu

I

Raspisuje se javni poziv za predlaganje projekata udruženja, drugih nevladinih organizacija i drugih pravnih i fizičkih lica za su/financiranje sredstvima Budžeta općine Bihać za 2010.godinu.

II

Za su/financiranje projekata udruženja, drugih nevladinih organizacija i drugih pravnih i fizičkih lica Budžetom općine Bihać za 2010.godinu planirano je 100.000,00 KM.

III

Pravo predlaganja projekata po javnom pozivu imaju udruženja, druge nevladine organizacije i druga pravna i fizička lica registrovana u BiH koja ostvaruju godišnji prihod manji od 50.000,00 KM, čiji će se projekti realizirati na području općine Bihać u budžetskoj 2010.godini, a odnose se na oblasti:

1. Ljudska prava i prava djeteta,
2. Jačanje demokracije, a naročito većeg učešća žena i mladih u društvenom životu,
3. Zapošljavanje, a naročito rješavanje problema nezaposlenosti mladih,
4. Socijalna sigurnost i zdravstvena zaštita, a naročito: pomoć žrtvama rata, raseljenim licima, povratnicima, pomoć starim, bolesnim i hendikepiranim osobama, djeci sa posebnim potrebama, djeci bez roditeljskog staranja, djeci i mladima asocijalnog ponašanja, žrtvama nasilja u porodici, disfunkcionalnim porodicama i porodicama u stanju izražene socijalne potrebe,

5. Obrazovanje, a naročito opismenjavanje prekvalifikacija, dokvalifikacija, profesionalna orijentacija mladih, edukativni i drugi programi za borbu protiv aktualnih poroka u društvu (alkoholizam, nikotinizam, droga, prosjačenje, prostitucija i drugi oblici društveno neprihvatljivog ponašanja),
6. Kultura, a naročito afirmacija mladih stvaralaca te, očuvanje tradicije, kulturne baštine naroda BiH i nacionalnih manjina,
7. Sport, a naročito razvoj amaterskog sporta, sportske aktivnosti za djecu i omladinu, sportsko-rekreativni sadržaji za građane uključujući i invalide osobe, pomoć talentiranim sportistima, te razvoj i unapređenje sportske infrastrukture,
8. Ekologija, a naročito promocija zaštite i unapređenja životne sredine i zdravog življenja,
9. Obrt, a naročito oživljavanje i zaštita starih zanata.

IV

Po javnom pozivu za realizaciju projekata mogu se prijaviti najviše dva (2) projekta čiji budžet ne prelazi iznos od 20.000,00 KM po predloženom projektu.

V

Projekat obavezno mora sadržavati:

- naziv projekta
- tačan naziv i sjedište predlagača projekta
- identifikacijski broj i broj žiro računa predlagača projekta s naznakom poslovne banke kod koje se vodi žiro račun
- ovlašteno lice za realizaciju projekta (ime i prezime, kontakt adresa, telefon, fax, e-mail adresu)
- oblast na koju se odnosi projekat i opis konkretnog problema koji se rješava realizacijom projekta
- opis projekta (plan aktivnosti i dinamika realizacije projekta s eventualnom popratnom dokumentacijom (skice, planovi, crteži, fotografije, kompjuterske simulacije, CD prezentacije i sl.)
- cilj projekta
- očekivani rezultati
- ciljna grupa
- mjesto realizacije projekta
- budžet projekta (analitički prikazan detaljan budžet po stavkama i izvorima financiranja i ukupna sredstva koja se za cio projekat ili dio projekta potražuju iz Budžeta Općine).

VI

Osnovni kriteriji za vrednovanje i odabir projekata su:

1. Izražene potrebe stanovništva za projektom

2.

2. Područje na kom se projekat realizira
3. Procenat stanovništva ili određenih kategorija koje će osjetiti efekte projekta
4. Korist zajednice od realizacije projekta
5. Realizacijom projekta osigurava se zapošljavanje
6. Projekat je od posebnog značaja za mlade
7. Projekat je od uticaja na realizaciju drugih projekata u Općini
8. Učešće predlagača projekta vlastitim ili donatorskim sredstvima
9. Održivost projekta

Dodatni kriteriji za vrednovanje i odabir projekata su:

1. Inovativni aspekt projekta
2. Posjedovanje ljudskih resursa za realizaciju projekta (lista osoblja)
3. Uključenost volontera, a naročito mladih u realizaciji projekta
4. Uspješnost u realizaciji ranijih projekata
5. Iz projekta je vidljiv definisan i jasan način praćenja evaluacije projekta

Eliminatorski kriteriji koji diskvalificiraju predloženi projekat su:

- Projekat nije vezan za oblasti iz tačke III podtačke 1 – 9 ovog Javnog poziva
- Tema projekta nije podudarna sa ciljevima i zadacima, odnosno registriranom djelatnošću predlagača projekta
- Projekat ima odgovarajuću formu ali nedostaju ključne informacije u prijavnim obrascu za predlaganje projekta
- Uz projekat je priložena netačna dokumentacija
- Administrativni troškovi prelaze 20% budžeta projekta.

VII

Postupak vrednovanja i odabira projekata na način i u skladu sa kriterijima utvrđenim Odlukom Općinskog vijeća provodi Komisija za odabir projekata i dodjelu sredstava, koju imenuje Općinski načelnik.

VIII

Prijava odnosno predlaganje projekata po javnom pozivu se vrši na propisanom prijavnim obrascu koji se može preuzeti u Centru za pružanje usluga građanima (šalter sala) općine Bihać.

Prijava projekata se podnosi putem pošte u zatvorenoj koverti na adresu: Općina Bihać ulica Bosanska broj 4, sa naznakom Komisija za odabir projekata i dodjelu sredstava «Prijava projekta», a može se podnijeti i neposredno predajom ovlaštenom službeniku za prijem podnesaka u Centru za pružanje usluga građanima (šalter sala) općine Bihać.

Uz prijavni obrazac za predlaganje projekata se prilaže:

1. Rješenje o upisu u registar udruženja ili rješenje o upisu u sudski registar (kopija),
2. Identifikacijski broj iz registra poslovnih subjekata (kopija) i spesimen potpisa odgovorne osobe,
3. Završni račun za prethodnu poslovnu godinu,
4. Kratak opis predlagača projekta (udruženja, NVO, pravnog lica) sa podacima o eventualno prethodno realiziranim projektima,
5. Projekat koji se predlaže,
6. Dokaz da su obezbjeđena vlastita sredstva ili sredstva od drugog donatora za dio projekta koji se predlaže,
7. Izjava ovlaštenog lica predlagača projekta da nije dobilo sredstva od drugog donatora za dio projekta koji se predlaže za su/financiranje sredstvima Budžeta općine Bihać,
8. Detaljan narativni i finansijski izvještaj sa dokazima o namjenskom utrošku sredstava ako su predlagaču projekta dodijeljena sredstva iz prethodne godine za realizaciju projekta.

Predlagač projekta može potraživati ukupan iznos sredstava za realizaciju projekta ili dio nedostajućih sredstava, što je dužan posebno naznačiti u prijavnom obrascu i projektu kojeg predlaže.

IX

Rok za prijavu projekta po javnom pozivu je 15 dana od dana objave u sedmičnom listu Unsko-sanske novine «Krajina» i na web stranici općine Bihać (www.bihac.org; www.bihac.ba).

Nepotpune i neblagovremene prijave neće se razmatrati.

OPĆINSKI NAČELNIK
mr. Hamdija Lipovača